

(p. 360) necessitatem sibi impositam credat, nisi animi sanctimoniam prolixitate pallii metiatur: quod sensui comuni ex sola contradicendi libidine renitatur (p. 378.) quod quo plura per inconsultum animi impetum conscribillet, eò magis morbos animi sui pandat (p. 360.) quod nasi parum ipsi sit: (Præfat.) quod inficetam & missellam aduersus Julium Rondinum (h. e. Pufendorfum) defensionem adornaverit (Præfat. fol. 2.) cuius vanitatem, addit. (fol. 3.) quilibet deprehendere ultrò possit: quod nærias proponat (fol. 2.) quibus ipse sibi magnopere placeat; quasque nemo cordatus responso suo dignatus sit: quod cramben bis coctam apponat, rancidis quibusdam distinctiunculis & pedantico planè pipere conditam, quæ primo statim intuitu lectorem nauseâ opplet: (fol. 2.) quod toto sacco rancidulas distinctiones Scholasticas effundat, p. 362. quod ridiculè ratiocinetur p. 358. quod absurdam & ridiculam analogiam confinxerit, per quam carnifex Lipsiensis jam non quidem formaliter, normaliter tamen ad statum Paradisiacum meretrices virgis cædere jubetur (Præf. fol. 4) quod insolenter & pueriliter agat: p. 362. quod inter spatiandum in ecclasiâ inciderit: ita multas Phantasias homini occurrere p. 376. quod cerebrum in futilis regulas fæcundum, per vanitatem venditet p. 376. quod, Compendium ejus, si qua orbis Christianus non capiat, iter ipsi ad Chinenses suscipiendum sit, ut maximus populi applausus adventantem excipiat, si picturam compendio suo præfixam Dioxippi Atheniensis pugilis, & Horratæ Macedonis pugnam ex Curtii lib. IX. exprimentem, sibi præferri curaverit; ex qua inusitatum sibi spectaculi genus pollicebitur. p. 359. quod latrator sit. p. 373. quod protervè se lacescat, idq; iracun-